

Karamat Kise Kehte He?



Hazrat Mufti Ahmad Khanpuri (db)

Hadis Ke Islahi Mazamin Urdu se khulasa
lipyantaran he.

Bismillahirrahmanirrahim

Ahle sunnat val jamat ka akida he ke Allah ke valiyo ki karamate hak he Allah ke nek bando ke hatho Allah ki taraf se unke ejaj aur ikram ke taur par kabhi aisi chije vujud me layi jaati he jo adat ke khilaf hoti he usiko karamat se tabir kiya jaata he, Allah kuran sharif sure yunus ayat 62, 63 me farmate he jiska tarjuma ye he suno Allah ke jo nek bande he inpar na koyi darr he aur na vo gamgin honge.

Valiullah kaun he to kuran hi batlata he ke jo log Allah par iman laye aur Allah ki nafarmaniyo se bachte he aise logo ke

[Maktab Ashraf](#) ye PDF grammer ya bhasa ka adab nahi he. [1]

liye duniyavi jindagi aur
aakhirat me khushkhabri he
Allah ke kalimat aur faislo me
koyi tabdili nahi yahi sabse
badi kamyabi he.



Allah ka karibi aur Allah ka dost jo log he
vo Allah ki itaat me is tarah lage rehte he
ke unse kabhi Allah ki nafarmani nahi
hoti aur jo hamesha Allah ki yaad me
masgul rehte ho vo hi Allah ke vali
kehlate he.

Duniya me jitni bhi chiye maujud he un
sab ka apna vujud barkarar rakhne ke
liye Allah ki jaat ke saath ek tarah ki
nisbat aur talluk kayim he ye bhi nisbat
ka ek darja he jo har ek chij ko hasil he.

Lekin yaha najdiki aur nisbat ka ek
makhsus darja murad he jo adami ko

Allah ki itaat or farmabardari
karne aur Allah ki
nafarmaniyo se apne aap ko
bachane ke natije me Allah ka



saath hasil hota he unhi ke liye farmaya
gaya ke Allah ke aise bande jo hamesha
apne aap ko Allah ki itaat aur
faramabaradari me lagaye rakhte he aur
Allah ki nafarmaniyo se apne aap ko
bachte he in par na koyi khauf hoga aur
na vo gamgin hoge.

Ab agar ye jannat me pohunch ne ke baad
ki halat ka tajkira he tab to baat bilkul saf
he ke vaha par na koyi khauf hoga aur na
gam hoga aur agar duniya ki halat ka
tajkira he to matlab ye he ke duniya vale
duniya ke vakti aur mamuli nuksan ke
natije me ya nuksan ke pesh aane ke

khatrat se khauf aur gam mehsus karte he.



Allah ke makhsus bando ko duniya ki in chijo ke nuksanat ki vajah se aisa koyi gam nahi hota aur na vo us kisam ka khauf karte he.

Isse malum huva ke Allah ki nafarmani se bachna vilayat ke liye jaruri he Allah ki nafarmani ka irtikab karte huve koyi adami Allah ka vali nahi ban sakta isliye kaha gaya he ke sabse badi karamat istikamat yani shariat ki pabandi he aur yahi asal matalub he.

Agar koyi adami apni puri jindagi Allah ki itaat me laga raha aur Allah ki nafarmaniyo aur gunaho se bachta raha to fir chahe jindagi bhar uske hath par kisi karamat ka jahur naho tab bhi koyi

baat nahi he isliye ke asal chij
to deen par jamna aur sunnat
ke mutabik amal karna he.



Agar koyi adami hava me udta
ho aur pani par chalta ho leikin uski
jindagi Nabi Karim ﷺ ke laye huve deen
aur sunnat ke mutabik nahi he to uska
havame udna aur pani par chalna kar
amad nahi deen par majbuti ke saath
jamna aur sunnat ke mutabik amal karna
har karamat se badkar he,

Ab agar kisi Nabi Paigambar aur Rasul ke
hatho khilafe aadat kisi chij ka juhur ho
to vo mojija kehlata he aur kisi gair Nabi
Allah ke nek bande ke hatho agar khilafe
aadat kisi chij ka juhur ho to vo karamat
kehlati he.